

93003



S

SUPERVISOR'S USE ONLY



NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

QUALIFY FOR THE FUTURE WORLD  
KIA NOHO TAKATŪ KI TŌ ĀMUA AO!

## Scholarship – Te Hiranga 2018 Te Reo Māori

9.30 a.m. Rāapa 28 Whiringa-ā-Rangi 2018  
Te wā: E toru haora  
Te Tāpeke: 24

Tirohia mēnā e rite ana te Tau Ākonga ā-Motu (NSN) kei runga i tō pukapuka whakauru ki te tau o runga ake o tēnei whārangi.

E RUA ngā wāhanga o tēnei whakamātautau. Whakautua ngā pātai KATOA ki ngā wāhi wātea kua whakaritea.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mēnā e tika ana te raupapatanga o ngā whārangi 2–20, kei roto i tēnei pukapuka, ka mutu, kāore tētahi o aua whārangi i te takoto kau.

**HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.**

Ngā Paearu	Ngā Māka
Tikanga	
Reo	
Kaupapa	
<b>TE TĀPEKE</b>	<b>/24</b>

TĀ TE KAIAROMATAWAI MAHI ANAKE

## HE KUPU WHAKATAKI

Tēnā koe kua uru mai nei ki te whakamātautau a Te Hiranga mō tēnei tau. He whakamātautau mā te tauira e ako ana i te reo Māori, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me te kaha mai o te ākongā ki te:

- tātari, te arohaehae rānei i ngā kaupapa
- whakapuaki whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga
- whakamahi i ngā pūkenga reo.

Nā reira:

- āta pānuihia ngā tohutohu i mua i te mahi
- kia kaha mai ki te whakaoti i ngā pātai katoa
- me reo Māori ngā whakautu katoa
- e rima meneti ki te āta pānui i te whakamātautau katoa.

Ko te reo kia tika, ko te reo kia rere, ko te reo kia Māori.

## TE WĀHANGA TUATAHI: PĀNUI – TUHITUHI

### NGĀ TOHUTOHU

TŪMAHI TUATAHI: HE PĀNUI (60 meneti)  
Pānuihia te tuhinga, kātahi ka whakautu i ngā pātai.

TŪMAHI TUARUA: HE TUHITUHI (60 meneti)  
Whiriwhiringia tētahi kaupapa hei tuhinga roa māu, ā, kua e iti iho i te 400 kupu.

### TŪMAHI TUATAHI: HE PĀNUI – NGĀ WHAKARARU O TĒNEI WĀ

#### Ngā tohutohu

Pānuihia te tuhinga nei:

#### Ngā whakararu o tēnei wā

Ka noho au i tētahi ata o te wiki ki te kai i taku pāreti, ki te mātaki hoki i ngā karere o te ata ki runga o Parakuihi ēra mahi o ngā ata o te wiki i mua i taku hāere ki te mahi. Ka puta he pūrongo a Parakuihi e tohe puruhī ana mo tētahi e tā moko ana i tētahi atu. Ko te raru e tohea nei, ko te rau a te nanakia kaitā nei i ētahi pikitia ki runga o pukamata hei māhira mō te ao. I tēnei wā tonu kua rāoa au i taku paraoa! Ko te moko e whakaatuhia ana e te kaitā e mōhio whānui nei i te ao mahi toi, ko te Pūhoro, ki ētahi iwi, ko te Taurape. Inā hoki, ko te wāhanga e mau ai tērā moko ka timata mai i te tiki hope o te tāne ki ngā pāpāringa o te tou, tae atu hoki ki ngā kūhā waewae oti atu ki ngā turi. I tērā whakamārama kua mōhio tātou ko ēhea wāhanga ka whakaatuhia ki te ao o pukamata. Engari hei whakatepe ake, kāre i kitea te ure a te tangata nei, ēngari anō ētahi wāhanga o āna puke huruhuru.

Nā wai, nā wai, ka kimihia te kaimahi o ēnei pikitia ka uiuihia e tētahi kai rīpoata, ka kitea te matakerekere o tōna āhua, te tamariki o ngā whakaaro, te tapepe o te reo, te whīwhiwhi o te arero, te ngāueue, otirā, te tino ngoikore nei ki te whakautu tika ki ngā patapatai a te kai ripoata.

Ko wai hoki ahau ki te kī ēhara tēnei tangata i te tohunga ki ēnei mahi? Ahakoa te ihu hūpē o te āhua. Mārama ana te kite atu i te ātaahua a ōna mahi moko. E kore e tāea te tango atu i tērā. Kei reira te tāonga kua whakawhiwhia ki tēnei tauira. Ko te hunga kua oti i a ia te tā, waiwai ana te tiro atu. Ko te hunga kua tiriwhanahia te kiri, tau ana te rere ngātahi me te hanga o te tinana. He pēnei i te mea kua tūhonohia te uaua o te waewae me ngā tohu kua ūhia ki te kiri. E tohu ana ki ōna pūkenga ki ōna hono whakapapa. Koinei hoki te hōhonutanga o ngā kōrero e mōhio whānui nei i te ao Māori. Kāre e tāngia i tētahi tohu mō te kore take noa iho, he kōrero tō ngā mea katoa. Engari ko te tohungatanga o te tangata me whai whakaaro ia ki mua, ki muri, ki roto, ki waho o tōna ahurewa mahi, e tautōhito nei ia ki ōna mahi katoa, kei reira tēnei kaitā moko e putu ana. Me whakapāha ia ka tika! Me whakapāha ki te kanohi hōmiromiro a ngā tamariki kei runga i te pukamata, i kite ai te tangata kirikau e whakaatu mai ana. Me whakapāha ki ngā mātua kua riro mā rātou tērā āhua e whakatika mai i o rātou tamariki. Me whakapāha hoki ki te hunga e kawē nei i ēnei mahi Māori ki te ao, ko rātou hoki ka patua e te whakamā. Kāti, kāre ēnei whakaaro whakapāha i ea i tēnei tangata, hei whakahūmarie i tōna āhua. Auare ake! Ka noho hei tōperepere mā te hunga i uiui i a ia, mā te kanohi tauhou hoki ki tō tātou ao Māori.

Hei kōpani noa ake i ētahi whakaaro, ko te raru nui kua kore haere te tapu o ngā mahi Māori. Kua tukuna ki te ao, ki te ipurangi ki ngā mata-whakahoahoa e rere ana hei whakawā, hei tānoanoa. Ehara i te mea he kaupapa hou tēnei, kua tukuna noa atu ētahi o a tātou mahi, engari ko te rerekē tuatahi, ko ngā taputapu o ēnei rangi he hohoro ake. Tuarua, ka tae ki ngā takiwā katoa o te ao. Tuatoru ahakoa ko wai, ahakoa he aha ngā tau, ka tāea e tēnā, e tēnā te whāwhā.

Kia whakahokia mai ki te kaupapa ake. Ki a au hoki he pai noa iho ngā mahi ā te kaitā nei ki te whakaatu i ōna whakaahua ki te ao, kāre hoki i kitea te ure a te tangata, ko te tou noa iho. Pēnā hoki, koira te tohe he pēhea ngā kapa haka e kirikau ana? Me tangohia mai? He pēhea ngā pikitia o ngā kaiwero whakatau i ngā rōpu nunui me ngā tangata rongonui? Me whakakorehia tērā tikanga? E kao! Koira hoki taku whakatangata i a au ki tēnei whenua, nā ōku tikanga.

Mārakerake ana te kite e whakamahia ana e te kaitā moko te pukamata hei torotoro ki ētahi e hiahia ana kia moko te kiri hei mahi moni māna. Tērā pea kei reira e raru ana? He puāhae he mahi moni nō te Māori. Ahakoa he aha te kaupapa e whakaaraara ana e te Māori, ka noho tonu tātou hei iwi tokoiti e whakawāhia ana e te nuinga o ngā whakaaro a ētahi iwi kē.

Pēnā hoki ko au, kua tohea e au mō te mate tonu atu. Engari nā te ngoikore o te whakahoki ka whakamā ko tātou katoa. Hei aha, e kore a muri e hokia. Hei toko i te whakaaro whakamua, ka noho tērā hei tauira, hei whakatūpato i a tātou te hunga e whakawhanake ana i tō tāua ao Māori i roto i tēnei ao hurihuri. Tērā tauira hei kōrero whakamataku, hei whakahihiko whakaaro mō te hunga e whakakanohi ana i ēnei tūmomo mahi ki tēnei ao hangarau i ngā whakararu o tēnei wā.

## TŪMAHI TUATAHI: HE PĀNUI AROĀ

### Ngā tohutohu

Kua puta e te kaituhi tētahi āhuetanga o te reo, tēnā whakamāramahia te tikanga o te rerenga kōrero mai te tirohanga o te kaiwhakaputa.

1. ... e tohe puruhī ana mo tētahi e tā moko ana i tētahi atu.

---

---

---

---

---

---

---

---

---

---

---

---

2. ... te tamariki o ngā whakaaro,

---

---

---

---

---

---

---

---

---

---

---

---

3. Kei reira te tāonga kua whakawhiwhia ki tēnei tauira.

---

---

---

---

---

---

---

---

---

---

---

---

4. ... te tangata me whai whakaaro ia ki mua, ki muri, ki roto, ki waho o tōna ahurewa mahi, e tautōhito nei ia ki ōna mahi katoa, kei reira tēnei kaitā moko e putu ana.

---

---

---

---

---

---

---

---

---

---

5. ... ki te kanohi hōmiromiro a ngā tamariki kei runga i te pukamata,

---

---

---

---

---

---

---

---

---

---

6. Ka noho hei tōperepere mā te hunga i uiui i a ia, mā te kanohi tauhou hoki ki tō tātou ao Māori.

---

---

---

---

---

---

---

---

---

---

---

---

---

---

---

---

---

---

---

---

---

---

---

---

7. Koirā hoki taku whakatangata i a au ki tēnei whenua, nā ōku tikanga.

---

---

---

---

---

---

---

---

---

---

8. ... kua tukuna noa atu ētahi o a tātou mahi,

---

---

---

---

---

---

---

---

---

---

9. ... te pukamata hei torotoro ki ētahi e hiahia ana kia mokoā te kiri hei mahi moni māna.

---

---

---

---

---

---

---

---

---

---

10. **Tēnā whakarāpopotohia te ariā o tēnei tuinga.**

---

---

---

---

---

---

---

---

---

---

---

---

---

---

---

---

---

## TŪMAHI TUARUA: HE TUHITUHI

### Ngā tohutohu

Whiriwhiria kia KOTAHI te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te tika o te whakatakoto, te ūpoko, te tinana, te whakakao i o kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, ki te whakapuaki whakaaro
- ki te whakauru mai i ngā whakataukī, i ngā kīwaha, i ngā rārangi waiata, haka rānei e hāngai ana ki tō kaupapa hei whakanikoniko i tāu tuhinga roa
- kia auaha te rautaki, kia Māori te wairua
- kua e iti iho i te **400 kupu**.

### Anei ngā kaupapa tuhinga

1. Mā te ipurangi, mā ngā tāonga hangarau ka ora ai tō tātou reo Māori?
2. Me ipurangi kore, me wāea pūkoro kore ngā kura tuarua?
3. Nā te ipurangi i kaha kē atu te ui makihoi o te tangata.
4. Ko te nuinga o ā tātou taiohi i whānau mai ki tēnei ao matihiko, ki tēnei ao hohoro, ki tēnei ao hurihuri. Kei te pehea a tātou tikanga Māori i tēnei ao hurihuri, i tēnei ao matihiko nei?



**WHAKAARO MATUA**

Timatanga kōrero

Te tinana

Kupu whakatepe







**E tika ana kia wātea mai te whārangi nei, ā, ka haere tonu  
te whakamātautau i te whārangi e whai ake ana.**

## TE WĀHANGA TUARUA: WHAKARONGO – KŌRERO

E RUA ngā tūmahi mō tēnei wāhanga:

TŪMAHI TUATORU: HE WHAKARONGO:

He whakarongo ki tētahi tautohetohe, me te tuhi hoki i ngā whakaaro matua, i ngā kīwaha hei āwhina i a koe i roto i te Tūmahi Tuawhā.

TŪMAHI TUAWHĀ: HE KŌRERO:

(a) He whakaputa kōrero whakarāpopoto i te tautohetohe.

(e) He whakaputa kōrero e whakaae ana, e whakahē ana rānei i te kaupapa o te tautohetohe.

(i) He whakamārama i ngā kīwaha e RUA.

**TŪMAHI TUATORU: HE WHAKARONGO – *Te mau here a te wiiwhii***

He tautohetohe te āhua o tēnei mahi whakarongo.

### Ngā tohutohu

1. Whakarongo ki te tautohetohe.
2. I a koe e whakarongo ana, whakarārangihia ngā kaupapa matua a ngā kaikōrero e RUA ki roto i te mahere whakaaro kua whakaritea.
3. Āta whakarongo hoki ki ngā kīwaha kei roto i te tautohetohe nei, ā, tīkina kia rua ngā kīwaha e mārama ana ki a koe.
4. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 10 meneti hei whakarite i āu kōrero whakaputa.
5. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira, kia areare mai o taringa, anei te kōrero.

**MAHERE WHAKAARO**

TĀ TE KAI-  
AROMATAWAI  
MAHI ANAKE

Taha whakaae	Taha whakahē
Ngā kīwaha	

Mā te kaiwhakahaere koe e hari ki tētahi atu rūma, hei whakamau ai i o kōrero ki te kōpae. Kāre e āhei te hari pepa ki roto i tēnei rūma.

**Tukuna tō reo kia rere, tō reo kia tika, tō reo kia Māori.**

## **TŪMAHI TUAWHĀ: HE KŌRERO**

### **Ngā tohutohu**

- (a) Ko tāu mahi he whakarite kōrero whakaputa, he kōrero tene hoki te āhua o tēnei tūmahi. Whakaputahia ōu ake whakaaro e whakarāpopoto ana i te tautohetohe.
- (e) Whakapuakina ōu ake whakaaro e whakahē ana/e whakaae ana rānei i te kaupapa o te tautohetohe nei. Kia tika te whakarārangi mai i ōu whakaaro, ā, whakamahia hoki ngā whakataukī, ngā whakatauākī, ngā waiata hoki hei whakaniko i tō kōrero whakaputa.
- (i) Whakamāramahia mai te tikanga o ngā kīwaha e RUA i rangona i te tautohetohe.
- (o) Kaua e roa ake i te 5 meneti mō tāu kōrero whakaputa. Ki te kore e oti katoa te whakamau i tō reo i roto i 5 meneti, ka whakamutua rawatia te hopu i tō reo i taua wā tonu.

Nā reira, kia kaha mai te:

- whakapuaki whakaaro whānui
- whakaraupapa tika i o whakaaro
- whakaniko mā te kīwaha, whakataukī, whakatauākī, rangahau rānei
- whakatakoto tika, otirā whakahua tika i o kupu.

### **Te whakamau i tāu kōrero whakaputa**

- (a) Ka heria koe e te kaiwhakahaere o te whakamātautau ki te rūma whakamau reo.
- (e) Kia RIMA meneti te roa mō ngā whakaritenga e pā ana ki te mīhini hopu reo.
- (i) Mutu ana tō whakamau i āu kōrero ki te mīhini hopu kōrero, me waitohu e koe te kōpae hei whakaatu nōu te reo kei runga.
- (o) Kua oti ngā mahi katoa.
- (u) He whakaputa kōrero whakarāpopoto mō te tautohetohe. Kia maumahara, kei a koe te 15 meneti noa iho ki te whakarite.









He whārangi tāpiri tēnei hei whakaoti i ō whakautu mēnā e hiahiatia ana.  
Āta tuhia te tau o te pātai.

TAU PĀTAI

93003